

§. 5.

At prudentia naturali, sapientia, amore & clementia, curis denique pro aliis suscipiendis, uti optimus quivis magistratus, destitutus esse, nunquam potest; ita ad ejusmodi liberaliores virtutes animi nullum est, quod natura sua magis inclinet, quam mercuriale temperamentum. Optimus itaque princeps vel quivis magistratus, tribus satis descriptis instructus temperamentis, dominante vero illis Mercurio, juxta austerum & fortissimum animum, præ se in primis feret insignem ad mores subditorum sese accommodandi facilitatem, pronissimam accipiendi optima consilia voluntatem, animum amori subditorum, benignitati, humanitati addictissimum.

§. 7.

Uti vero præsentis rerum humanarum statu evitari in republica sive imperio quocunque calamitates, incursus, sexcenti casus alii, quibus & felicitas civium subvertitur & securitas violatur, nequeut; ita ante omnia duce opus est, qui militari, bellicosa, imperterrita animi virtute reliquos facile superet, & ad tuendam felicitatis securitatem, internis externisque periculis sese fortiter objiciat. Quod cum facile ab optimo quovis principe expectetur, in nullo tamen magis deprehenditur, quam qui indolem principis optimam à martis temperamento ceu præside suo gubernatam possidet.

§. 7.

Igitur quam vera sit hæc nostra huc usque propugnata sententia de indole optimum principem constituyente, tribus scilicet illis, in Trajano Optimo Principe à nobis demonstratis, temperamentis; quamque egregiam, & sane optimam natura imperantium indolem efficiant; ii magis adhuc videbunt, qui virtutes Mercurio, Soli atque Marti, proprias inter se commixtas ac temperatas largius animo sistere suo, & ad officia singularia Optimorum principum singulas adhibere voverint. Mihi enim, ne præfixos transgrediar terminos, id præstare hoc loco haud licet, contento interea & felicem me arbitranti satis, si adeo Tibi, L. B. quantumcunque hoc specimen iadolis ad litteras meæ avidissimæ probatum fuerit, ut succrescens Musa mea benevolum de me judicium, & animum studiis nostris faventem, sperare possit.

